

ایکھجی سنہ

نومرو : ۷

خزینہ اوراق

تاریخ تالیسی

۱ مایس سنہ ۱۲۹۷



مؤسسی

محمود جلال الدین



تاریخ طبع }
و نشر }
۱۲۹۸
شباط
۲۶

بو رسالہ ادبیہ جمعہ ایرتسی کونلری چبقار

غزل

—

اوشوخی دون کیجه آلدیم خیاله اینجه دن اینجه
 کیرشدم صبح اولنجه حسباله اینجه دن اینجه
 قدیاری کجوردم حده نظاره دن کورم
 دوکلش سیمدن بکرز نهاله اینجه دن اینجه
 فروغ حسن عالمتابی رشک افزای خاورکن
 کلورمی قیل تنکروصفی قاله اینجه دن اینجه
 کورورسون وجه کلدی اشک بلبیل در دکل ژاله
 نگاه دقتی ایله حواله اینجه دن اینجه
 کنار صفحه رخساره جانانه کوردم
 یازلمش حسنه دایر بر مقاله اینجه دن اینجه
 مثال مومیان یار اولدم درد عشق کله
 فصل فکر ایله کیردک بوو باله اینجه دن اینجه
 قالورمی قیلجه ارتق صبر عاشق زلف شیرینی
 دوکنجه ناز ایله رخسار آله اینجه دن اینجه
 اولنمز صورت خط رختدن مطلب استخراج
 قیل امعان نظر وجه ماله اینجه دن اینجه

اوکبک نوخرام صحن نازی آل ایله (سامح)
 دوشردم عاقبت دام وصاله اینجه دن اینجه
 سامح بک



کچن مکتوبمک مابعدی اولان بر (صوتدن حادث
 اولان امواج صوتیه کرویہ دخی بو سیاق اوزره اولوب
 فقط نامرئی اولان اهتزازات و امواج صوتیه نک طول
 موجی سسه کوره (۴) ایله (۱۲) میلترو وسعتنده در.
 ماده ائیریه نک تموجات لونیہ سی دخی بو طرزده ایسه ده
 طول موجیسی غایته الغایه کوچکدر.

رضیای مرئینک تموجاتی بر میلترونک $\frac{7}{10000}$ ایله $\frac{2}{10000}$
 جزئی ییننده و حرارت تموجاتنک دمغی $\frac{1}{10000}$ جزؤ در.
 براینجه قیلک قطری $\frac{1}{10000}$ جزؤ اولدیغندن امواج ائیریه دن
 (۳۰۰) دانه سنی سترایده ییلور. اجسام مصوته ده
 اهتزاز نقدر سریع ایسه صدا اول قدر اینجه اولدیغی کی
 ماده ائیریه نک دخی اهتزازلی سریع اولدقجه الوان
 پرده لری اینجه لنور. ضیا کسکین پرده نک صداسنه و حرارت
 قبا پرده لک آهنکنه معادلدر. جله اهتزازات ضیایه
 حرارت پیدا ایدر لکن عکس صادق دکلدر بعض ضیا
 فوتوغراف کاغذلرینه تأثیر ایدر قوه باصره یه تأثیر ایتمز.